



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

Puente, Luis de la

Coloniæ Agrippinæ, 1626

§. 2.

[urn:nbn:de:hbz:466:1-45802](https://nbn-resolving.org/urn:nbn:de:hbz:466:1-45802)

nerur. Et quemadmodum Sanctus Ioannes statim paruit cœlesti voci, accessitque ad Angelum, & petijt librum, & accepit: ita qui vocantur efficaci Dei vocatione, audiunt diuinum eius impulsus, & statim accedunt. vt admittant in Religionem procurent; neque à petendo desistunt, donec Regulatum librum accipiant; & serid se offerant ad eum vorandum, & in sua vice- tra transmittendum. Sed aduertant tamen, quòd initio, durante sensibili di- uinæ vocationis feruore, dulce sit quali mel acceptare & amplecti quidquid iustitatum illud continet, ita vt videatur ipsis suavis valde, ac incunda obe- dientiæ, amabilis paupertas, dulcis Castitas, & valde grata ipsa subiectio, & sui ipsorum abnegatio, vt ita imitentur ipsum Seruatorem: at progressu tē- poris, cum manus operi admouetur, gustusque ille sensibilis deficit, qui, dum liber erat recens, feruebat; incipiunt aliquæ amaritudines lentiri, quæ interiora spiritus vexant ob resistantiam & rebellionem ipsius carnis. Qui autem strenuè & fortiter perseverat, sentit crescere spiritus calorem & fer- uorem, & igne diuiniamoris accendi, quo totus liber facillè digeritur, ei- usque amaritudo conuertitur in dulcedinem, ita vt valde sit iucundus ac sua- us per reliquum vitæ tempus.

§. 2.

QVID AVTEM mirum est, tantam hominum multitudinem confluere ad quamcunq; Religionem recens fundatam, cum vox Dei mittatur per Angelum quendam adeo admirabilem, qualè ipse S. Ioannes nobis depingit, cum sex stupendis proprietatibus: ait enim *a cum amictum fuisse nu- be & iridem habuisse in capite, faciem fuisse vt solem, pedes tanquam columnas ignis, & vocem eius tanquam leonis rugientis, & in manu sua habuisse libellum apertum.* Quid autem hoc totū est aliud, quàm effigies quadam, valde apra status Religiosi, cuiusq; Fundatoris, & cuiuscunq; exemplaris viri eū profitentis; qui in vita sua est tanquam Angelus ob eiusmodi Professionis celsitudinem. Nubes enim, quæ est amictus est ipsa puritas: quæ oritur ex renunciatione rerum omnium terrenarum. Quemadmodum enim nubes sunt vapores subtilis, è terra eleuati, & ab ea fugientes in altum ascendentes. Ita perfectus Religio- sus mundum fugit; & res omnes, quas in terra possidebat, deserens, eleuat se super se, ad quarendas res cœlestes. Hæc igitur renunciatio est eius amictus, & ornatus; & eodem tegit spiritum suum, quamuis corpus appareat nudū. Cœlestis Iris tricolor, quam in capite habet, refert perfectam reconciliatio- nem & amicitiam cū Deo, ortā ex tribus votis Castitatis, Paupertatis & Obedi- entie; quemadmodū enim s. b. *Arcu ille fuit signū pacis & fœderis, quod Dominus iniit cū Noë, quod nō essent futura ultra aque diluuii ad delendum vniuersā car- nem:* ita tria vota, signa sunt perfectæ amicitie & fœderis, quod iniit Domi- nus noster cum Religioso, & pignus, quòd non mergetur diluuiio peccato-

3.

a Apo. 10. 1.

1.

2.

Iris quid
denotet.
b Gen. 9. 13.

c Ps. 102. 4.

rum, & calamitatum, quibus mundus inundat, sed e coronabitur (vt ait) *in misericordia & miserationibus*, modò ipse ed' ta uora, integrè seruat, calcans ea super caput suum tanquam rem maximè charam, & quam plurè ciat, quàm cetera omnia, quæ sunt in terra.

3.

d Luc. 9. 29.

Mat. 17. 2.

FACIES sicut Sol, significat splendorem sanctitatis, & feruorem in omnibus virtutibus, speciatim in eis, quæ ad contemplatiuam vitam pertinent agendo familiariter cum Deo D. N. in oratione & contemplatione: hinc enim prouenit lumen diuinarum illustrationum, quæ spiritum transformant in similitudinem diuinã. Nam quemadmodum Christus D. N. d' dem uera transfiguratus est, & resplenduit facies eius sicut Sol: ita Religiosi, oratione, & profitentur: obtinent felicem transfigurationem, splendentes sicut ipsi heroiæ uitæ suæ exemplis.

4.

HINC prouenit, ut pedes sint sicut columnæ ignis: nam gressus quibus pergunt in Exercitijs uitæ actiuæ, & in operibus misericordiæ corporali & spiritualibus, sunt gressus fortes, constantes, & amore Dei, zeloq; & pietatis proximorum necessitates, iuxta sua Instituta accensi: nec deficientes in iustis operibus propter labores ac defatigationes, quæ in eis tolerantur. Et quemadmodum idem Angelus *pedem suum dextrum habebat super mare, & sinistram autem super terram*, ut ostenderet, se omnia complecti: ita charitas perfectorum Religiosorum, præcipuè eorū, qui uitam mixtam perfecti præferunt, complectitur omnes homines, cupiens omnibus benefacere: igne diuini amoris inflammare pergentes per uniuersam terram, & nauigantes per omnia maria, ut hunc ignem projiciant in omnes peccatores; subuenientes maiori cura & feruore, maximè indigentibus ac desertis: ac propterea dextrum pedem ponunt super mare, quod significat peccatores magis turbatos & inquietos, qui instar furiosi maris feruent in suis passionibus & improbitatibus, cuiusmodi sunt hæretici & gentiles: ad quorum conuersionem magna uelocitate ita accurrunt: ut non negligant ponere sinistram pedem super terram; attendentes etiam adiuuandis reliquis fidelibus in soliditate existentibus hoc est fundatis & innitentibus ueræ fidei; sed indigentibus etiam subsidio, ut charitatis igne inflammentur.

5.

Tim. 1. 15.

Ac propterea uox Angeli illius est tanquam *rugitus leonis*: nam inter sensu, quo afficiuntur propter Deum offensum, & iacturam animarum, prædicant magna uis & ingenti fortitudine incutientes hominibus timorè, propositis minis iræ Dei, Mortis, Iudicij, & Inferni: ut peccata deserentes, recipiant se ad misericordiam diuinam, ut eorum impetrent ueniam: ad quam inuitat, & allicit eos signis arcus illius, siue Iridis, quam ipsi gestant super caput suum, constituentes se ipsos sæpè tanquam exemplum, quemadmodum faciebat S. Apostolus.

D. N. P.

6.
DENIQUE habent illi in manu sua *librum* continentem ea, quæ alijs proponunt, manifestant enim omnibus hominibus librum Euangelicæ legis, ita tamen ut ipsi primi manum operi admouerint, ut nō solū verbo, sed exemplo etiam illos permoueant: tunc enim vox erit tanquam rugitus leonis, fortis, & utilis; quando simul liber legis ita est in manu, ut qui loquitur, etiā operetur; & qui prædicat, etiam exequatur. Sed habent etiam in manu proprium sui Institutum librum, prædicantes illum omnibus aptis ad ipsos sequendos, vocantes & iuuuantes eos, ut illum acceptent & amplectantur.

Quid igitur mirum, si multi audiant & sequantur hanc vocationem; quæ non hominis est, sed Angeli nomine Dei loquentis? quis nō admiretur, permoueatur, & afficiatur ex amictu illo nubis, ex corona, pulcherrimi illius arcus cælestis, & splendore faciei tanquam Solis ex fortitudine pedum tanquam columnarum ignis? quem non terreat & pauere faciat vox, tanquam rugitus leonis? quem non alliciat manus tali libro exornata? & quomodo talia exempla cum verbis huiusmodi non sufficient ad commutanda corda? consueuimus oculos in historias præcipuarum Religionum Ecclesiæ, & inuenimus, eas hac via excreuisse, adferentes ingentem stuporem excellentiæ, & præstantiæ vitæ ac doctrinæ suæ, ut postea videbimus.

CAPVT X.

ADMIRANDVM; CENTVPLI PRÆMIUM Religioso Statui, ad eius conseruationem & augmentum, annexum: & quanta bona illud complectatur.



VM DEO D. N. nota sit hominum natura & propensio, qua valdè mouetur & allicitur ad laborem, ob mercedem & spem ingentis præmij: non satis habuit, quod Religionis domum, variolq; eius ordines fundauerit cum ea amplitudine & splendore, quem diximus: Sed cupiens eius conseruationem & augmentum, & plurimos esse, qui afficerentur ad habitandum in ea, & viuendum absq; periculo ab ea recedendi: in vtrumq; hunc finem fecit in suo Euangelio insignem quandam promissionem ijs omnibus, qui propter ipsum renunciarent omnibus quæ haberent, ipsumq; in Perfectione sequerentur, quemadmodum Apostoli fecerant. Ac propterea admirabili sua prouidentia sciens, renunciationem omnium personarum & rerum huius mundi, & oblationem, perpetuamq; votorum ac legum Religiosarum obseruantiam, esse vere crucem, iugum, & onus ex se valdè graue; imò additamentum grauis oneris super crucem communem vitæ Christianæ: voluit aliquid pro-

Promissio
Dei facta
relinquen-
tibus om-
nia propter
eum,